



BOSNIA AND HERZEGOVINA  
INSTITUTE OF METROLOGY  
OF BOSNIA AND HERZEGOVINA

Broj: 03-46-1-AN-778-1/13  
Sarajevo, 13. 5. 2013.godine

Na temelju člana 16. i 61. Zakona o upravi („Službeni glasnik BiH“, broj: 32/02 i 102/09), te člana 9. stav 2. Zakona o osnivanju Instituta za mjeriteljstvo BiH („Službeni glasnik BiH“ broj 43/04), a u vezi sa Uredbom o visini i načinu plaćanja usluga Institutu za mjeriteljstvo BiH („Službeni glasnik BiH“ broj 67/12), direktor Instituta za mjeriteljstvo Bosne i Hercegovine (u daljem tekstu: Institut), donosi:

## ODLUKU

### o utvrđivanju i usklađivanju minimalnih cijena usluga imenovanih laboratorija prema trećim osobama – korisnicima usluga

#### Opće odredbe

##### Član 1.

Ovom Odlukom vrši se utvrđivanje i usklađivanje minimalne cijene usluga imenovanih laboratorija prema trećim osobama – korisnicima usluga sa cijenom usluga Instituta za mjeriteljstvo BiH (u daljem tekstu: Institut) koju naplaćuje trećim osobama iz oblasti zakonskog mjeriteljstva sukladno Uredbi o visini i načinu plaćanja usluga Instituta za mjeriteljstvo Bosne i Hercegovine („Službeni glasnik BiH“ broj: 67/12) (u daljem tekstu: Uredba).

#### Naknade za izvršavanje verifikacije mjerila

##### Član 2.

Mjeriteljske laboratorije koje su u svojstvu pravne osobe imenovane od Instituta dužne su da cijene usluga verifikacije mjerila usklade sa cijenom usluga Instituta za mjeriteljstvo Bosne i Hercegovine na način da minimalne cijene usluga verifikacije mjerila ne budu niže od cijena usluga koje su propisane u aneksu Uredbe u tački II - Tarifa o naknadama za verifikaciju mjerila (u daljem tekstu: Tarifa).

Minimalne cijene usluga verifikacije mjerila koje su utvrđene Uredbom na koje se obavezuju imenovane laboratorije zaključivanjem Ugovora o međusobnoj saradnji (u daljem tekstu: Ugovor) imaju za cilj da se osigura profesionalnost i spriječi nelojalna konkurenciju na tržištu zakonskog mjeriteljstva u obavljanju poslova verifikacije mjerila.

Imenovane mjeriteljske laboratorije pri pružanju usluga verifikacije mjerila ne smiju ići ispod minimalnih cijena usluga verifikacija mjerila od onih koje su propisane Tarifom. Cijene koje bi bile niže od minimalnih cijena usluga verifikacije mjerila ne bi obezbjedile izvedbu verifikacije mjerila na nivou koji zahtjeva Institut uzimajući u obzir sljedivost opreme, održavanje opreme kao i minimalno vrijeme za proračun greške mjerenja.

##### Član 3.

Imenovane laboratorije su obavezne da pravovremeno izvršavaju plaćanje troškova za aktivnosti verifikacije mjerila koje provode u opsegu dodjeljenog imenovanja.



Imenovane laboratorije su u smislu prethodnog stava dužne za održavanje mjeriteljskog sistema Institutu uplatiti 20 % od vrijednosti izvršene usluge verifikacije mjerila za svako verificirano mjerilo u skladu sa Tarifom.

Imenovane laboratorije su dužne navedeno plaćanje vršiti na račun trezora BiH, kvartalno u toku kalendarske godine, s tim da obaveze za zadnji kvartal uplaćuje do 15.12. tekuće godine.

Naknadu za troškove Instituta u periodu od 15.12. do 31.12. tekuće godine, imenovana laboratorije će uplatiti zajedno sa uplatom za prvi kvartal naredne kalendarske godine.

## Nadzor nad primjenom

### Član 4.

Institut zadržava pravo nadzora i kontrole nad postupcima i načinima obračuna ponuda i naplate usluga verifikacije mjerila od strane imenovanih laboratorija prema trećim osobama – korisnicima usluga u smislu ove odluke i sukladno odredbama Uredbe.

Ako službena osoba Instituta u postupku nadzora nad radom imenovane mjeriteljske laboratorije utvrdi ili na bilo koji drugi način dođe do saznanja da imenovana mjeriteljske laboratorije krši odredbe i rade suprotno odredbama ove odluke te postupa suprotno zaključenom Ugovoru, dužna je o tome sačiniti zapisnik o nepravilnostima u radu te u propisanom roku naložiti otklanjanje uočenih nepravilnosti i nezakonitosti u radu sa prijedlogom mjera.

U slučajevima ne postupanja po izdanom nalogu i predloženim mjerama od strane službene osobe Instituta, Institut će u postupku nadzora nad radom imenovanih laboratorija poduzeti zakonom propisane mjere za koje je ovlašten.

### Član 5.

Zapisnik iz člana 4. stav.2. ove odluke sadrži utvrđeno činjenično stanje o nepravilnostima u radu i postupanju suprotno odredbama ove odluke i zakonu.

U vršenju nadzora nad radom u primjeni ove odluke, Institut primjenjuje pravila upravnog postupka Bosne i Hercegovine i Zakona o mjeriteljstvu Bosne i Hercegovine i drugih odgovarajućih važećih zakonskih i podzakonskih propisa Bosne i Hercegovine.

## Završne odredbe

### Član 6.

Ova Odluka će se objaviti na oglasnoj ploči i internet stranici Instituta.

**Odluka stupa na snagu danom donošenja, a ista će se primjenjivati od 01.06.2013. godine**

Broj: 03-46-1- AN-778-1/13



DIREKTOR

*Zijad Džemić*  
Zijad Džemić